

niversum de incredulitate hominum iudicium est futurum.

75. Iudicij huius locum designant Iudaei vallem Iosaphat, quae inter montem Oliveti & Ierosolimam est sita, falsa decepti interpretatione loci Prophetici, qui habetur Iosaphat non proprie, sed appellativè est accipiendum: idemq; denotat, quod Iehovah iudicat, vel Iehovah Iudex: & Valle nomine, Mundus hic notatur, in quem quasi in vallem aliquam descensurus Dominus, iudicaturus omnes gentes terrae.

76. Forma huius Iudicij, in sententiae definitivae promulgatione consistet, quae instituetur, vel respectu credentium & Electorum ex Evangelio, quibus gratis per fidem in Christum dabitur merces sive praemium: Ioh. 3, 18. Rom. 2, 16. Vel respectu reproborum & infidelium ex Lege, secundum illud: Qui non crediderit, condemnabitur, Marc. 16, 16. Ioh. 3, 18.

77. Exitus Iudicij is futurus est, ut pii & electi possessuri sint regnum DEI patris, ipsis iam inde à mundi constitutione paratum: Impij vero sint ituri in ignem aeternum, qui ipsos ac Diabolos immensis ac ineffabilibus cruciatibus, in omnem aeternitatem est afflictorus.

Mat. 25, 34. & 41.